

دائرة مخصوصه

در سعادتده باب عالی جوارنده

محل اداره :

مشرط القلم

۱۲۲۶

اخطار :

مسلكمزه موافق آثار جديده مع المنونيه قبول اولنور

درج ابدلتهين آثار اعاده اولنور

دينه، فلسفه، علوم، حقوق، ادبيات، سياست، و باطامه كرك سياسى و كرك اجتماعى و مدنى احوال و شئون اسلاميه و در بحث ايدر و هفته ده بر نشر اولنور.

آبونه بدلى

سنه لكى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرائق

صاحب و مؤسسى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قبرله دن مقوا بورو ايله كوندريلىر سه سنوى
۲۰ غروش فضله آلنير

بوسه جاف که قلب شوق ملتدن خروشاندر ،
عروق روحدن آتش ، تصلب ابلش قاندر !



ناصل بر بیکران عمان شوخ - امواجی بر مهتاب
دوکوب ایلر سه ازهار ضیاء اریله زرین - تاب ،
بوکون انظار ملتدن خبره شان روح نجات یاب
سهای فکر و قلبی او یله ایلر غرق آب و تاب ؛
صفالر ، خنده لر ، جانندن قویان علوی مسرتلر
کشایش بار اغباق سپهر اولمده در یکسر !



مراد اولک برج شهادت شان عنوانی ،
معظم فاتحک آفاقه حاکم فکر تابانی ،
سلیمک صفحه اهرامه عاکس جبهه شانی ،
سلیمانک سماوات غزا رونقلی نمائی
طولار انظار دنیا به بویومک نور هورندن ،
بوفیض ملتک محشر قدر علوی ظهورندن !



« نه افسونکار ایمشک آه ای دیدار حریت ! »
پیکده زار زار ظلمت اعصار ایکن ملت ،
بوکون پیدشکده اولمش بر ظهورندن فضا جنت ،
نجوم لاتهای التماعاتک سنک البت !
« کمال » ک تبرینه برلمه دوک خورشید چهره کدن !
اونک علوی غروب زار وجدانیله طوغدک سن !
فی ۱۰ تموز سنه ۳۲۶

علی اکرم

حسب حال

ترکجه نک ، عربجه نک تعامی ایچون یک فنا اصولار طو تدیفغمز
سویلرکن ، مکتبلریمزده فرانسزجه نک ده یک ای بر طرزده او قودلما دیغنی
سویله مش ایدک ، ظن ایدیورم .
بزم تحصیلده بولوندیغمز دورد فرانسزجه به تارشیده مکتبلرینک
ایکنجی سنه سنندن باشلانیر ؛ سوکره اعدادی ، دهها سوکره عالی
مکتبلرده بولسانک تدریسنه دوام اولنور کیدردی .
اوت ، مکتبلریمزده عربجه به فصل قواعددن باشلانیر سه
فرانسزجه به ده - الفبا سنندن سوکره - فرانسز چوققورلی ایچون
یازلمش غرامردن کیریشیلیردی . زوایی چوققور غرامر کتابنک
ایچنده کی قواعدی کاملاً از بر ایدرلر ، قیاسی ، غیر قیاسی فعلاری برر
صولوقده چکرلر ، فرانسز چوققورلندن چوق مکمل تحایل نحویر
یاپارلر ، لکن واسفا که نه بولسان ایله یورودیان عادی بر محاوره یی
اکلا به بیلیرلر ، نه ده ایکی جمله یی بر برینه باغلا یه رق مراملرینی افاده
ایدرلردی !

مکتبلرده بوکون فرانسزجه ایچون طوتیلان اصولک وقتیه
بزم بیلدیگمز اصولدن نه قدر حاللی اولدیغنی بیله ، یورم . یالکیز شیمدیکی
چوققورلرده اولسانده کی بهره لرینی یک کفایتسز بولیورم .

شیمدی بزم ایچون اصل مسئله بو لسانک مکتبلرک هپسنده
او قودیلوب او قودلما سننده در . مبادی علمی تحصیل احتیاجندن
کیمسه وارسته دکلدرد . بونلری نه قدر اساسلی ، نه قدر عملی بر صورتده
او قورسوق او قدر کارلی چیقارز . لکن عجبا بو قدر مباحث آره سنده ،
برده فرانسزجه او قوتیق طوغرو اوله جقمی ؟

ای بیلیملی یزکه شیمدی به قدر طوتیلان طرزده فرانسزجه
اوکره نیلمز ؛ ینته ای بیلیملی یزکه یک یکی بر طرزده لسان تدریسی
کوروندیکی قدر قولای اوله ماز . تدریساتده براز اصلاحات اجراییله
چوققورله اسکینندن دهها فضله استفاده ایتدرمک ممکن ایهده عجب
بوده صرف ایدیله جک امکملرله ، هدر ایدیله جک زمانلرله متناسب
اوله بیله جک میسر ؟

بوندن سوکره انشاء الله مملکتیمزده هرکس او قویوب یازمق
احتیاجی اکلا به جق ، هرکس بونک ایچون چالیشه جقدر . فقط
لسانلرینی سائر ملتنر کی او یله قولایجه اوکره نه مین ، زاناً بر جوق
صقینتیلره هدف اولان ترکاری برده فرانسزجه ایله او غراشدرمق
یک فضله اولمازمی ؟

اوله یا ! بونلرک هپسی تحصیل عالی یی اکال ایده جک ، هپسی
برر شعبه فنده اختصاصده چالیشه جق ، یا خود هپسی جهان مدنیت
ایله مناسبات سیاسیهده ، مناسبات تجاریهده بولنه جق دکل که دهها نافع
شیلری اوکرنمک ایچون صرف ایده جکی زماننک بر مهم قسمی ده
فرانسزجه اوکرنمه به آیرسین .

معارف ابتدائی یی ، حتی فنون اعدادیه یی او قویان بر جوق
اصلا فرانسزجه ایله مشغول ایدلمه ملی ، بولسانه آیریه جق ساعتلر دیکر
درسله بر اقلما یدر . سوکره تحصیل اعدادی یی ده بوترن افندیلر اتخاذ
ایده جکاری مسله باقارلر : لسان اوکرنمک مجبوریتنده ایهه لری بالطبع
چالیشوب اوکره نیرلر .

دینه جک که : اعدادی تحصیلنی اکال ایدنلرک قسم اعظمی
سوکره دن اجنبی برلسان اوکرنمک احتیاجی حسن ایده جک ددر .
بناء علیه بونلر مکتبده ایکن کوسترین فرانسزجه کفایتسز اولسه بیله
فائده سز دکلدرد ، بالعکس آتی ایچون یک مفیددر .

اوت ، شو ادعا طوغرو کی کورونیورسه ده ایی دوشونولورسه
اکلا شیلیر که واقعه مطابق دکلدرد . هفته ده بر ، ایکی ، اوچ ساعت او قوتیق
شرطیه طلبیه بولساندن بالفرض بش یا خود آتی سنده ویره جک کز
سرمایه - آتی آدی دیمه یلم - برسنده براققات فضله سیله ویریه بیلیر .
دیمک بزم مکتبلرده چوققورلیمزده او قوتدیغمز ، فقط هیچ برایشه
یاراماق شرطیه سنه لرجه ، عمر لرجه او قوتدیغمز فرانسزجه دیکر
درسلدن آیریلیرده مستقلاً تدریس ایدیلیرسه برسنده ده ، هم هر شیئه
یارایه بیلیمک اوزره ، او قوتیه بیله جکمش .

(بنیامین تودلنسیس) نامنده بر یهودینک بشیوز سینه اقدم یازمش اولدینی رحلتنامه سنده (سالنصر) ک استیسار ایش اولدینی یهودیلر ذریعتندن (میدیا) جهتلرنده بر چوق اقوام کورمش اولدینی درمیان ایدیور .

(ربهمام) زماننده کی اختلاف اوزرینه بر طاقم یهودیلر طرد اولنان (جربهمام) ایله برابر بیت المقدس حوالیسنه هجرت ایلدیکاری کبی قالانلر دخی آنوریلرک یدلرینه اسیر دوشوب بختنصرک ورودینه قدر اوراده اقامت ایلشیر ایدی .

حضرت مسیح زماننده یهودیلرک بابل جهتلرنده قوت و مکتلری قابل انکار دکلدر . انوری یهودیلری فلسطین یهودیلرندن بسبتون آری اوله رق معبدلری حورالری اولدینی کبی سوریه ده (یومییدتقا) (نهاردیا) ده کی کلیات علمیه لرینک (تیودوسیوس) (ارقادیوس) اونور یوس زمانلرینه قدر دوام ایلدیکنی و حتی حضرت مسیحدن بیک اوچوز سینه صکره یه قدر بغدادده بر مدرسه لری موجود اولوب عربلرک قورقوسندن کنندی اختیارلریله قایتمش اولدقلرینی (پتروس) یازیور . واول ائاده او حوالیده بک چوق حورالری بولندینی کبی جماعتک احباره کوستردیکی حرمت و انقیاد نصارانک راهلرینه کوستردیکاری رعایت و اعتبار درجه سنده ایدی . (سالماسیوس) ک روایتنه نظراً بونلرک بر خیلی قسمی طرفندن اغیاده بیت المقدس زیارت ایدیور و هر فرقه یه کنندی اقامتگاهلری نامی ویربلورایدی .

او زمانلرده یهودیلرک عددلری قابل عدوا حصا اولمادینی کبی بر طرفدن دخی مذهب موسوی یه بر چوق اشخاص دخول والتحاق ایلکده ایدی .

(هرکنوس) ک زمانلرنده (ایدومین) لری یهودیلرغه داخل اولدقلری کبی بابل جهتلرنده بر چوق اهالی نک مذهب موسوی یه انتساب ایلدیکاری توراتده محرر و مسطوردر (طالمودیست) لر؛ روما حکمدارلرندن (نیروسزار) ایله (انطونیوس بیوس) ک یهودی دینه داخل اولدقلرینی روایت ایدیورلر .

سالماسیوس ک روایتنه نظراً اصل یهودی اولانلرک حورالرنده : (سیپتواجنت) قرائت اولندینی فقط اسکندریه ده و دیگر مملکتلرده بیک یهودیلر طرفندن قرائت ایلدیکنی مستبان اولیور .

حواریونندن (سن پول) ک رسالنده (التیست) دیو محرر اولانلر بونلردن کنایه در . حتی سن پول اوصرم لرده تأسس ایدن طولخانه و ایتاخانه متوالیرینی بونلردن نصب و تعیین ایش ایدی . بوندن اکلاشلورکه حواریون احکام انجلیه یی یالکر یهودیلر و یکیدن یهودی دینه داخل اولانلر تبلیغ و تعلیم ایدوب پت پرستلره اویولده تلقیناتده بولمیلورلر ایدی .

فاریسیلرک پت پرستلری یهودی دینه دعوت خصوصنده نه درجه ابذال مساعی ایلدیکارینی و یهودی ملتی عددینک تکثیری خصوصنه نه مرتبه چالشدقلرینی انجیل یازیور .

هاله بوناقص تحصیلک دیگر درسله آجیدینی رخنه یی درپیش ایده جک اولورسه کز بوسبوتون علمنه دوزسکیز .

معارف نظارتی مکتبلردن فرانسزجه یی قالدیرر ، بونک ایچون الک یکی اصولده او قودملق اوزره آریجه صنفلر آچارسه هم لسان آدم عقلی اوکره دلش ، همده ذاتاً بر چوق صورتلرله هدر اولوب کیدن زمانلریمز تصرف ایدلش اولور .

رجا ایدرم مقصدیمز یا کلش آکلائیلما سین . بز فرانسزجه نک نه هرکس ایچون لازم اولدینه ، نه ده هیچ کیمسه ایچون لازم اولمادینه قانع دکلر . بولسانه احتیاجی اولانلر حقیقه او قودولسون ؛ اولمایانلر یهوده یره اوغراشیدیرلما سین ، کنیدلرینه ده نافع شیلره چالشدیرلین ، دیمک ایسته یورز .

محمد عاکف

اسلامیتک ظهور و ترقیسی

و

مبات حضرت محمد

مترجمی

مادربنی زاده عارف

مابعد

مؤلفی

دوقنور استانبول

او صرمده مصرده بولنان یهودیلرک عددی حضرت موسی ایله مصردن چیقان یهودیلردن زیاده ایدی .

بر طرفدن دخی اول ائاده بابل و ممالک مجاوره سنده بولنان یهودیلرک عددی نظر دقتدن دور طوتلما لیدر .

احباردن (عزرا) و (نهیمیا) و (زور دبال) رفاقتلرنده نینوادن بیت المقدسه عودت ایدن یهودیلر (جودا) و (بنیامین) قبیله لرندن عبارت ایدی .

(ژوزیفوس) کنندی معاصری بولنان یهودیلرک نینواده کی مقدارلری بادی استغراب اوله جق درجه ده کثرتلی اولدینی کتاینده درمیان وعزرائک بیت المقدسه عودت خصوصنده ایران شاهندن استحصا ایلدیکنی مساعدی ناطق (میدیا) یهودیلرینه خطاباً یازمش اولدینی مکتوب اوزرینه کنیدیسیله عودت ایدن و روما ایمپراطورانی تابعیتنه داخل اولان یهودیلر مارالد کر ایکی قبیله دن عبارت اولوب دیگر اون قبیله ایسه فرات حوالیسنده قامش اولدقلرینی ذکر و بیان ایدیور .

(سن جیمسک) بنی اسرائیلی نصرانیتنه دعوت خصوصنده یازدینی نامه نک اون ایکی قبیله یه خطاباً یازمش اولدینی درخاطر ایدیلنجه روما ایمپراطورلنی خارجنده قالان یهودیلرک اون ایکی قبیله دن عبارت اولدینی حقنده کی ادعای تصدیق ایدلش اولور .